

# O le Faaipoipoga a le Tamai Mamoe

TUSI LESONA SEMINARE O LE FEAGAIGA FOU

- O a nisi o mafuaaga e masani ona faamanatu ai e aiga ia faaipoipoga?

Sa faaaoga e Ioane le faatusa o se faaipoipoga e aoao ai i tatou e uiga i aso e gata ai. O leni faaipoipoga na ia tusia e uiga lea i le faatusa o le Afio Mai Faalua o le Faaola.

Tusi se ata faigofie o se tamaitai ma se alii faaipoipo ma tusi mea ua e aoaoina e uiga ia i laua taitoatasi a o e suesue ai.

Faitau le Faaaliga 19:7–9 e iloa ai pe o faapefea ona uunaia i tatou e le Alii ia lagona e uiga i leni faaipoipoga. O le tamaitai faaipoipo i nei fuaiupu o se faatusa o tagata o le Ekalesia a le Alii o e o loo sauniuni i latou lava mo le toe afio mai o Keriso.

- E tusa ma le fuaiupu 8, e faapefea ona tatou saunia mo leni faaipoipoga? Atonu o le a le uiga o lena mea mo oe?

- O a auala ua avea ai se faaipoipoga o se faatusa talafeagai mo la tatou sootaga i feagaiga ma Iesu Keriso?

- E faapefea ona avea le toe afio mai o le Faaola o se taimi o le olioli mo oe?

Faitau mau nei ma mafaufau e uiga i mea e mafai ona e faia e saunia ai mo le taimi e toe afio mai ai Iesu Keriso. Atonu e te manao e faailoga mea e te maua i au tusitusiga paia pe tusi e uiga i ai i lau api talaaga.

Faaaliga 7:13–14

3 Nifae 27:19–21

- E faapefea sou lagona e uiga ia Iesu Keriso ma mea ua Ia faia e saunia ai oe mo Lona afio mai?